



### **Soraarnerussutisiaqalernisamut aaqqissussinermut pinngitsoorani ilaanissaq pillugu apeqquteqaat aallaavigalugu oqallinnissamik siunnersuut**

(Inatsisartunut ilaasortat Hans Enoksen, Pele Brogberg, Jens Napatoq, Parti Naleraq)

Soraarnerussutisiaqalernissamut aaqqissuussinermut pinngotsoorani peqataasussaataaneq pillugu inatsit maanna Inatsisartut Naalakkersuisullu akornanni assortuussutaasoq Inuit Ataqatigiinniit maluginiarparput. Inatsit sunaluunniit eqqortumik atuutsinneqartussaasoq nalunngilarput, apeqqusiisoqarpalli inatsimmi siunertaasut eqqortumik atuutsinneqarnersut tamanna inatsisiliortut qulaajartariaqarpaat, kukkusoqassagaluarpat innuttaasut eqqornerlunneqaqqunagit.

Inuit Ataqatigiit akileraartarnikkut nammaqatigiinnermik tunngavipput tassaavoq sulisartut aningaasarsiornermikkut atugaasa atoruminartuunissaat, illua-tungaanilu inuiaqatigiinni nammaqataanissaminnut pilersueqataanissaminnullu pisussaaffeqarnissaat isumaasariaqartoq tamatta tunngavigaarput. Tamannali ima paasineqassanngilaq inuiaqatitta akileraarutitut akiliinermikkut, utoqqalinersianut ileqqaarnermikkut aamma akiligassanut allanut matussuseereernerikkut ulluinnarni inuuniarnermikkut attorsartinneqalissasut. Taama isuma tunngaviuppat ullumikkut pissutsit qulaajarneqarnissaat, - qulakkiivillugillu paasineqarnissaat pisariaqartoq Inuit Ataqatigiinniit isumaqatigaarput.

Innuttaasoq kinaluunniit nunatsinni akinik qaffasissunik atugassaqartoq tamatta ilisimavarput. Akileraarutit akilereernerisa kingorna utoqqalinersianut ileqqaartussaataaneq pinngotsoorani peqataaffiususaaq pisussaaffiliisuusanngilaq akiliutit ataatsimut katillugit isertitanit 50 %-it sinnerlugit sulisartukkut akileraarnerannik. Allatut oqaatigalugu siunnersuut una ima pingaartigaaq allaat inuit akileraarutit utoqqalinersiallu akilereernerisa kingorna inuuniarnermikkut qanoq atugaqavinnerannik tamakkiisumik paasinnittoqarnissaa qulakkeersinnaallugu.

Inuit Ataqatigiit maluginiarparput oqallinnissamik siunnersuuteqartunut Naalakkersuisut akissutaat allassimasooqartoq, tassalu, siunissami ungasinnerusumi pisortat aningaasaqarnerannik attanneqarsinnaasumik qulakkeerinissaq pineqartoq. Aammalu siunissami soraarnerussutisiaqalertussat inuuniarnerannik pitsanngorsaaniisaaq inatsimmi anguniarneqartoq.

# INUIT ATAQATIGIIT

## Inatsisartuni



Nassuiarneqanngilaq inatsit ullumikkut innuttaasut ulluinnarni inuuniarnerannut qanoq sunniuteqarnerisut. Siunissami soraarnerussutisiassanik aqqissuussineq tassaasariaqanngimmat ullumikkut inuit sulisartukkormiut inuuniarnerannik sakkortuumik artukkiisussa. Inuiaqatigiinni atugarissaarneq inuit aningaasaateqassusiannik aallaaveqarpoq.

Naalakkersuisut innaallagissap akii qaffaavigeqqippaat. Naalakkersuisut orsussamut akitsuut qaffaqqippaat. Angallanermut akit takornarianuunngitsoq, kisianni nunatta inuisa angallannerinut akit qaffasereersut qaffaqqippaat. Akit qaffasissut amerlareeqisut suli qaavisigut nioqqutissanut akitsuutit qaffaqqippaat. Ila Naalakkersuisooqatigiit Demokraatillu nunatsinni inuit inuuniarnerannut sulisartukkormiullu atugaannut pitsaanngitsumik atugassaqaartitsilernerat akueriuminaaqaq.

Inuit Ataqatigiit qalliissiaq maanna sammisarpoq pingaaruiteqaqisoq oqalisissiaannaassanngitsoq kissaatigaarput. Pisariaqarluinnartutut isigaarput akileraartarnermut tunngasut aamma utoqqalinersiassanut tunngasut pillugit Inatsisartut Kukkunersuinermit Ataatsimiititaliaat piaarnerpaamik misissuilluni aallartissasoq. Inatsisartut akileraartarnermut inatsisaat, kiisalu utoqqalinersiaqarissamut pingitsoorani ileqqaartussaataaneq inuit iserttaminnik akileraarnermikkut ileqqaarnermikullu qanoq sunnerneqaatigat.

Eqqaamasariaqartunut aamma ilaavoq aningaasanik iluanaruinit, isaasalerlugu katersanit akileraartussaataaneermut apeqqut aamma ilanngullugu sunniurteqarsinnaammat qulaajaavigeqqunaqaq. Oqallisissiami matumani uppersarsinnaalerparput Inatsisartunut ilaasortat aamma Naalakkersuisut apeqqummi matumani assigiinngitsumik paasinnissimasut. Tamanna Inatsisartut Aningaasaqarnermut Akileraartarnermullu Ataatsimiititaliaata aamma Kukkunersuinermit Ataatsimiititaliaata suliassatut opingaaruutilittut tiguseriaqarpaat. Inuit ulluinnarni inuuniarnermikkut akileraarutit isumannaarnerisa kingorna utoqqalinersianut ilæeqqaarnerminni aamma katersaqarsimagunik akileraartussaataaneermuit apeqqutit ilanngullugit erseqqilluinnartumik qulaajaasariaqartut Inuit Ataqatigiit isumaqarpugut.

Inuit Ataqatigiit sinnerlugit naqissuserlara oqallisissamik siunnersuuteqartut saqqummiussa Naalakkersuisullu akissuteqaataat imminnut assortuuttut arlaannaalluunniit eqqortuusoq oqaatiginiarsarissannginnatsigu. Siunertarput tassaavoq, inatsisit atuutsinneqartut misissuiffiqineqassasut, qulaajaasoqassasoq, aamma uppersarnerneqassasoq maanna inuppasuit assigiinngitsunik isertitaqarlutillu akiligassaqaartut ataatsimut qanoq atugaqarnerisut paasillugulu erseqqissumik nassuiaasoqassasoq. Inuit pineqarput. Nalaassimareerparpummi Aningaasaqarnermut

# INUIT ATAQATIGIIT

## Inatsisartuni



akileraartarnermullu aalakkersuisoqarfiup susassaqarfianit inuppassuit  
eqqunngitsumik sullinneqarsimasut.

Inatsit pineqartoq inuppassuarnik aalassassutaanikoq toqqorternagu  
ajunngitsutullu oqaatiginiarsariinnarnagu aamma Naalakkersuisut nassuiaataat  
kisiisa aallaaviginagit attuumassuteqanngitsunik misissuititsisoqartariaqartoq  
Inuit Ataqatigiit isumaqarpugut.

Inuiaqatigiit eqqortumik Inatsisiliortunit sullinneqarnissaat  
qulakkeertuagassaraarput. Naalakkersuisut eqqortumik sullissinissaat aamma  
pissusiviusunik tunngaveqarnissaat tamatta suliassaraarput.  
Akisussaaqatigiippugut, aamma suliassami matumani imaanaanngitsumik  
apeqqusiisoqartoq takuarput. Inuit Ataqatigiinniit pissutsit maanna  
killiffigineqartut pillugit Inatsisartut ataatsimiititaliaasa misissuinissaat,  
qulaajaanissaat, inuiaqatigiillu pitsaanerpaamik atugassaqartitaanissaat  
angujumallugu siunnersuut una taamak oqaaseqarfigalugu misissuinissamik  
kaammattut susassaqartunut apuupparput.

Qujanaq